



Raan eo Enaj Jejjet Kütien: Oktoba 5, 2020

Melele in Kajinet ñan an Aoleben State eo Bar Bellok - Būrokraam ko an Jodikdik

Maroñ eo: Wōtar jen Ra In Lolorjake Nōmba 20-27, ORS 433.441, ORS 433.443, ORS 431A.010

Ekkar ñan: Melele in kajinet in ej jeral ñan rikōmadmōd ro an būrokraam ko an jodikdik ekoba kaam in raan an būrokraam in tel ñan ajiri ro 11 yiō im rūttolok. Būrokraam ko me rej lale ajiri ro jen kindergarten ñan 12 yiō rej aikuj register einwōt ldiñ Jikin Lale Ajiri ak ebōk aer laijen im loor [Melele in Kajinet ñan Lale Ajiri im Jelālokjen an Ajiri Jidik](#).

Kabin: Ñan joñan an melele in kajinet in aikuj loor kin jet kakien ko, enaj mennin kabin einwōt kōjejjet ilo Wōtar jen Ra In Lolorjake 20-27, ioon 26.

Kōmelele ko: Kin wūnin melele in kajinet in, kōmelele ko laajrak rekhar:

- “Būrokraam ko an jodikdik” ekoba, bōtab ejab jemlok wōt kin, kaam in raan ak jabdrewōt kumi in ajiri jen yiō 11 ñan 18 ñan juon ien ilo awa in raan ewōr jodikdik ak rūtto ej lale inabōjin būrokraam ko ewōr aer laijen in lale ajiri. Būrokraam in jodikdik ro reban koba jabdrewōt ajiri ediklok jen 11 yiō im ejellok aer laijen in lale ajiri.

Būrokraam in jodikdik ro ewōr aer jeral aurōk in jibañ Likio in Katak Jen Jikin Ettolok ñan ajiri ro dettan rijikuul (K-12) im rebar aurōk einwōt jikin kejbarok ajiri ñan elōñ jinen im jemen ajiri ro rej jeral.

Kinke kajojo Būrookraam in Jodikdik reoktak, enaj aurōk an droulul ko rej kōmmāne ien kein lale melele in kajinet eo jen Oregon Maroñ ikijen Ejmour ñan [baak ko](#), [mōko imōn kaboñboñ](#) im melele in kajinet ko jet kin jikin ko rej kōmmāni kaam ko. Elab tokjen an droulul in kaam ko im droulul ko jet karejar ibben doon im jodikdik ro renaj iten kadeloñ makūtkūt ko ie im mōko ijo.

Melelein Kajinet kin Kōmadmōd

Aoleb būrokraam ko rej aikuj in:

- En wōr juon plan jeje ikijen bōk eddo ioon nañinmij ekabobo. Plan in ej aikuj in koba:
 - Laajrakin kōjellāik [Maroñ kin Ejmourin Lobelej ilo Bukōn eo](#) (LPHA) kin jabdrewōt keij in COVID-19 emōj kamool ewōr ibben rikaam ak rijeral ro;

- Juon wewein madmōd im jei rekoot ñan jibañe LPHA, einwōt aikuji, kin anōk ro rej kebaake doon;
 - Juon laajrakin etale jodikdik im rijerbal ñan kakōlle ko (Lale [Jikin 1f ilo Jikuul ko Rebojak; Kejbarokin Rikatak ro](#));
 - Juon laajrak ej aikuji bwe jabdrewōt armij eo enañinmij ak emōj an kebaak nañinmij eo en jab bed ilo būrokraam eo; im bōlen kabōjrak makūtkūt ko an kaam eo.
- Jei laajrakin makūtkūt ko an kajojo kumi ebin kajojo raan (melelein “ebin” ej ejja jodikdik ro 10 ak ietlok ilo kumi eo kajojo raan). Komij aikuji in debij jeje kein ejab diklok jen 4 wiik elikin aer kadedelok kaam eo im komij aikuji in tōbrak kakien kein laajrak ñan jibañe aer anōk ro rej kebaak doon, ñe rej aikuji:
 - Etan jodikdik
 - Awa in ekto/ektak
 - Rūtto eo ej kadedelok ekto/ektak ko jimor (ejab aikuji jain in etan)
 - Melele ko ñan kebaak juon rūtto ilo ien idiñ
 - Aoleb rijerbal ro me rej emmakūtkūt ibben juon jarin ajri ebin (koba rijerbal eppepe)
 - Etale ejmour eo an kajojo ajiri aoleb raan, jeje elañe etale eo ear le ak likjab (jab jeje jejetin melele ko)
 - Elañe būrokraam eo enaj lelok ial, jeiki etan aoleb ro rar uwe im melele in kebaak er (elañe rar jab jeiki ilo bar juon jikin).
 - Beba ko ñan kadeloñ ak bar wewein ko rekkā kin būrokraam ko rej aen melele ko jen jodikdik ro ej aikuji in koba melele ko ñan kebaak an aoleben jodikdik im rijerbal ro.
- Kamo jen būrokraam eo jabdrewōt jodikdik ak rijerbal im rejelā ke emōj an kebaake (einwōt jen juon uwaan kapijukunen eo an) COVID-19 ilo raan ko 14 mokta.
 - Kenono ñan rijerbal ro bwe ren jab iten jeral, im ba lok ñan jinen im jemen bwe ren jab bōktok ajiri ro nejeir ñan būrokraam eo, elañe ekar wōr aer ak an jabdrewōt iaan ro uwaan kapijukunen eo ear nañinmij ak biba ak bokbok kāal ilo raan ko rej kab mootlok. Ren bed wōt mōko imweir iomwin ejab diklok jen 10 raan elikin jinoin nañinmij eo im mae 24 awa elikin an biba eo jako, im rekar jab kōjerbal wūnoin kadiklok biba, im kakōllein COVID-19 (biba, bokbok, kōjeeklok, im ilok loje) remmanlok. Rijerbal ak jodikdik ro ewōr aer bokbok im ejab kāal (einwōt wōrlök, kadōk, im men ko jet) rejab aikuji jolok er jen būrokraam eo. Būrokraam ko remaroñ kelet in aen melele ko kin abañ ko rej bed wōt im rej kōmman bokbok ilo beba in kadeloñ ko.
 - Ripoot ñan im kenono ibben [LPHA](#) eo kin aṃ karreo im bōlen kilōk kilaj ruum ak būrokraam eo, elañe emōj kakōlkōl ke elōñ COVID-19 ibben jabdrewōt armij emōj an deloñe kaam eo.
 - Ripoot ñan [LPHA](#) eo kin jabdrewōt jarin nañinmij ibben rijerbal ak rijikuul ro ilo būrokraam in jodikdik eo.

Kin Aoleb

Aoleb būrookraam ko rej aikuj in:

- Etale im kōjejjēt kūtien [Melele in Kajinet an Jikin Jerbal ko](#).
- Lelok kein manman kij in bā, jikin kwal bā, peba tissue, jikin jokbej ko ebidodo aer maroñ kōjerbali ñan jodikdik im rijerbal ro jimor.
- Rōjañe aoleben armij ro ilo būrookraam eo bwe en ikut aer kwal beir (einwōt elikin aer kōjerbali imōn kōbojak, mokta jen im elikin aer mōñā kijeer, elikin aer deloñ mweo, elikin aer maje, ba, ak bokbok) kin joob im dren iomwin ejjab diklok jen 20 jekōn.
 - Ijellokun ñe rej mōñā, kōmat, ak kōmadmōd mōñā im elikin aer kōjerbali imōn kōbojak, kein manman kij jen bā ej kōmman jen arkool (60 ñan 95%) emaroñ bōk jikin kwal beir. Ñe ejjelok joob im dren (einwōt ilo juon kaam ilo ene itulik), kwō maroñ kōjerbali kein manman kij ilo bā me ej kōmman jen arkool; bōtab, kwōn lukkuun kajjioñ ñan jibañ aer kwal beir kin joob im dren.

Ikut in kōkememej rijerbal im jodikdik ro bwe ren kōmman men kein laajrak:

- Kalbubuuk aer bokbok im maje kin tissue ak jimwin beir;
- Kaju im jolok jabdrewōt tissue ilo juon nien jokbej; im
- Karreoik beir elikin aer kalbubu aer bokbok im maje, im elikin aer jolok tissue ko me emōj kōjerbale.
- Kadiklok aṃ kebaak ro jet ilo ien ekto im ektak ilo aṃ:
 - Kōmman mennin aikuj bwe jinen im jemen ajiri ro rej bed wōt inabōjin mweo ñan aer kadeloñ im kadiwōj ajiri ro nejeir.
 - Kōmman mennin aikuj bwe jinen, jemen, rikejbarok ro ren kejbarok aer ettolok jen ro jet.
 - ♦ Lōmnak aṃ kōmman an oktak ien an aoleb ekto im ektak.
 - ♦ Kadiklok kōjerbali ijoko elab jibwi (kein jeje, clip board ko, im men ko jet) ak manman kij jen men ko ikōtaan an armij kōjerbali.
 - Lelok jikin kwal bā ilo jikin deloñ eo - inabōj ak kaju iloan - bwe ajiri im jineir im jemeir ren maroñ kwal beir ilo ien aer deloñ.

Mask in iturin māj ko im kein kalbubu iturin māj:

- Rijerbal/rikoonjel ro rej aikuj ekōnak juon kein kalbubu māj an Jikin Taktō, kein bōbrae iturin māj ak kein kalbubu iturin māj ilo aer loore [Melele in Kajinet eo an Aoleben State eo kin Kein Kalbubu Māj ko an Jikin Taktō, Kein Bōbrae Iturin Māj, Kein Kalbubu Iturin Māj](#).
- Aoleb jodikdik ro an būrookraam eo rej aikuj ekōnak kein kalbubu ak kein bōbrae iturin māj ilo ien aer bōk kwōnaer ilo makūtūt ko iloan em. Mennin aikuj kein kalbubu māj ko an jikin taktō, kein bōbrae iturin māj ak kein kalbubu iturin māj inabōj elañe kwōban lolorjak an jab diklok jen jiljino (6) ne ettolok jen doon.

- Jodikdik ro rejab aikuj ekōnak kein kalbubu iturin māj, kein bōbrae iturin māj ak kein kalbubu iturin māj ñe rej bōk kunaer ilo juon makūtkūt ej kaabañ, einwōt ñe rej aō ak kōjañe juon kein kōjañjañ brass ak woodwind. Bōtab, wewein ko jet relablok rej aikuj kōmmani, einwōt kōttolok doon (lablok jen jiljino (6) ne), lablok an ikut karreo, kadiklok joñan kumi in armij, ak kōmman makūtkūt inabōj, ekkar ñan Jikin 5f ilo [Jikuul ko Rebojak, Kejbarokin Rikatak ro Melele in kajinet](#).
- Būrokraam ko ren kajeoñ lelok juon kein kalbubu iturin māj ñan jodikdik ro im ejellok juon aer kein kalbubu iturin māj ak rekar meloklok in bōk juon.
- Jodikdik ro jekdon jete aer yiō ren **jab** ekōnak juon kein kalbubu māj einwōt an jikin taktō, kein bōbrae iturin māj, ak kein kalbubu iturin māj:
 - Elañe ewōr aer abañ in ejmour ej kaabañ aer menono;
 - Elañe elōñ ewōr aer utamwe ej kōmman aer jab maroñ ekōnak juon kein kalbubu iturin māj an jikin taktō, kein bōbrae iturin māj, ak kein kalbubu iturin māj;
 - Elañe rejaje utūki kein kalbubu iturin māj an jikin taktō, kein bōbrae iturin māj, ak kein kalbubu iturin māj eo; ak
 - Ñe rej kiki.
- Emo an būrokraam ko kamo an ajiri kadeloñ makūtkūt im ekatak ko kinke reban kōnake juon kein kalbubu iturin māj an jikin taktō kein bōbrae iturin māj, ak kein kalbubu iturin māj. Rijerbal im jodikdik ro im elōñ aer abañ ikijen wūno/ejmour me ej kaabañ aer emenono ak juon aer utamwe me ej bōbrae an armij eo ekōnak juon kein kalbubu iturin māj an jikin taktō, kein bōbrae iturin māj ak kein kalbubu iturin māj emaroñ kajitōk bwe ren kōmman ial ñan kōmaroñ an ebōk aoleb jibañ, kōmakūt, im mōko me rebellok ñan armij in lobelej ilo juon wewein einwōt. Juon wewein kōmman ial ebwe ejab koba aer kōmelim wōt an juon rijerbal ak jodikdik deloñe makūtkūt ak ekatak ko jekdon ejellok juon an kein kalbubu iturin māj an jikin taktō, kein kalbubu iturin māj ak kein bōbrae iturin māj.

Etale kin kakōlle ko. Ak ñe juon armij enañinmij?

Aoleb būrokraam ko rej aikuj in:

- Lale bokbok kāāl im biba an jabdrewōt armij im ej deloñ mōko/jikin būrokraam eo ak ej jermal ibben jodikdik im rijerbal ro. Armij ro im elōñ aer biba im elablok jen ak ejejjet 100.4° F en jab melim aer deloñ. COVID-19 ejjab walok ibben bwilin ak bokbok kāāl aoleb ien. Kakōllein COVID-19 rej koba biba im bokbok kāāl, im bareinwōt kōjeeklok ak abañ an menono; biba; bio; emetak majel; emetak būruon; im ekāāl an nemen ak bwiin jabdrewōt ejako.
 - Elañe jinen ak jemen rejab maroñ lale joñan bwil eo an ajiri eo nejeir, emōj rōjañ bwe būrokraam eo en lale joñan bwil eo aer.
- Kōjenolok jodikdik ro jen ro jet, ñe juon jodikdik ak rijerbal enaj walok juon bokbok kāāl (einwōt ejab mōttan juon nañinmij ear baj bed ibben einwōt wōrlōk), biba, kajjinōk, ak bar kakōllein COVID-19 ilo ien emakūtkūt ilo raan eo/ien kilaj eo, im kaju jilkinlok ñan mweo imweir ilo ien eo wōt.

- Ilo ien komij kōttar an jinen ak jemen ektake juon ajiri enañinmij, juon rijerbal ej aikuj bed wōt ibben jodikdik eo ilo juon ruum ejenolok jen ro jet. Rikejbarok eo ej aikuj ekōnak kein kalbubu māj im en bed ettolok jen jodikdik eo ñan joñan eo emaroñ kejbarok wōt (emmantata ejjab diklok jen jiljino (6) ne), ñe ej bed wōt ilo ejja ruum eo wōt.
- Jodikdik ak rijerbal eo enañinmij ej aikuj bed wōt mweo imōn iomwin ejab diklok jen 10 raan elikin jinoin nañinmij eo an im mae 24 awa elikin an biba eo jako, im ejjab kōjerbal wūnoin kadiklok biba, im kakōllein COVID-19 (biba, bokbok, kōjeeklok, im ilok loje) remmanlok.
- Lolorjake ke elōñ kakien ko ikijen kakkije in nañinmij im jako rej kōmelim an rijerbal ro bed wōt mōko imweir ñe renañinmij.
- Ripoot ñan im karejar ibben obj eo an ejmourin lobelej ilo bukōn kin wewein karreo im an maroñ aikuj in kilōk, elañe ewōr jabdrewōt armij ear deloñe jikin būrokraam eo enaj mōj kakōlkōle kin COVID-19.
- Ripoot ñan maroñ kin ejmourin lobelej ilo bukōn kin jabdrewōt jarin rinañinmij ibben rijerbal ak jodikdik ro ilo būrokraam eo.

Kōttolok kin Enbwin

Aoleb būrokraam kein rej aikuj in:

- Kōmman joñan kumi in armij rebin ñan 10 ak iietlok jodikdik (melelein “rebin” ej ejja 10 jodikdik ro wōt ilo kumi eo kajojo raan).
 - Kumi eo ebin eban ukok elōñlok jen juon alen ilo juon wiik (einwōt ñan būrokraam ko rej kōmadmōd ilo juon laajrak in wiik).
 - Remaroñ kōmman būrokraam ko rej jibañ kumi ko reotak ilo jibboñ im elikin raeleb. Komij aikuj in kōmadmōde kilen manman kij ikōtaan ien kein.
 - Ien kejbarok mokta im tokelik aikuj lukkun lale ñan kejbarok an jodikdik ro bed ilo ejja kumi eo rar bed ibbeir ilo raan eo.
 - Juon būrokraam emaroñ wōr elōñ kumi kin 10 armij uwaan elañe jikin ak mweo emaroñ kejbarok aer kōttolok doon ñan joñan wōran jodikdik ro rej lali. Kumi bin ko rej aikuj bed kin joñan eo 1 rijerbal ñan 10 jodikdik.
 - ♦ Joñan eo ediktata 35 jukwea ne ñan kajojo ajiri aikuj wōr ilo jikin ko iloan em, kin joñan labtata eo 50 ajiri;
 - ♦ Joñan diktata eo 75 jukwea ne ñan kajojo ajiri aikuj wōr ilo ien elōñ kumi in armij ro rej kōjerbale jikin ko inabōj, ilo an labtata joñan wōran eo kin 100 ajiri;
 - ♦ Jodikdik ro ñan aer maroñ etal ñan ak kōjerbal kijeer, imōn kōbojak, im makūtkūt ko ej kōmman iloan juon kumi in 10 armij.
 - Būrokraam ko an jodikdik ewōr joñaer ñan 250 jodikdik ilo juon jikin ilo ien katak eo an wiik in būrokraam eo.
 - Droulul ko rebin renaj kōmman jen jodikdik im rijerbal ro; rejab bwini wōran rijerbal rej aikuj ilo juon kumi einwōt uwaan tarlepin 10. Rijerbal ro ren bed wōt ibben juon kumi wōt ñan joñan aer maroñ. Rijerbal ro me rej

emakūtkūt ibben elōñ kumi ko rebin reaikuj kwal/jolok jorren jen beir ikōtaan emakūtkūt ko ibben elōñ kumi ko rebin.

- **Len kejbarok mokta im elikin:** Droulul in armij ro ewōr joñaer ñan an jab lablok jen 10 jodikdik ilo jabdrewōt ien ilo juon kumi. Jodikdik ro reban mōttan lablok jen ruo kumi (ekoba ial) ilo jabdrewōt wiik.
- Jabdewōt rijerbal eban leto letak ibben lablok jen jilu kumi in ilo juon raan im lalem ilo juon wiik.
- Lolorjake ke kajojo kumi ebin ej bed wōt ilo ejja jikin eo iloan-em aoleb raan im ejjab emakūtkūt ibben bar jabdrewōt kumi, ñe ej bed iloan em.
- Kadiklok wōran rijerbal rej emakūtkūt ibben kajojo kumi in jodikdik; kwōaikuj jitōñe rijerbal ñan juon wōt kumi im ren jab emakūtkūt ikōtaan kumi ko ñe remaroñ. Elañe “rijerbal ebebe” ak rijerbal ro reoktak rej ukoktak ibben kumi eo ebin, ren lolorjake ñan kwal im manman kij ioon beir mokta jen aer deloñe jikin eo ibben kumi in jodikdik ebin.
- Ejellok rilotok remaroñ deloñe būrokraam eo.
- Rōjañe kōttolok kin enbwin ilo makūtkūt im kilaj ko an kajojo raan, im lolorjake ejab diklok jen jiljino (6) ne ikōtaan armij. Waan joñak, karōk būrokraam ko ilo wewein kein laajrak:
 - Jolok makūtkūt ko an kumi relab (lablok jen kumi eo aer ebin).
 - Kōlablok ettolok ikōtaan jodikdik ro ilo ien jermal iturin tebōl.
 - Karōke makūtkūt ko im rejab aikuj bwe elōñ jodikdik ro rej kebaake doon.
 - En ikut aṃi karreo im jolok jorren ilo kein jermal ko rej kōjerbal ibben doon. Men in ekoba, bōtab ejab bōjrak wōt kin, kein jermal ko einwōt kein jiña, kein kōjañjañ, im mitt ko. Kōjerbal kein jolok jorren ko emōj likūt ilo laajrakin etan kein karreo ko emōj an Obij in Kejbarok Mejatoto (EPA) kōwebben ñan SARS-CoV-2 kij eo me ej kōmman nañinmij in COVID-19.
 - Kadiklok ien jutak ilo lain ko im madmōde kilen lolorjake ke ewōr jiljino (6) ne ettolok ikōtaan jodikdik.
 - Lolorjake bwe en wōr ettolok-enbwin elablok ikōtaan ro me rej bōk kunaer kin emakūtkūt ko im rej kōjerbal kein kōjañjañ brass ak woodwind kinke kein kōjañjañ kein remaroñ kaajeeded pil ko jidikdik jen menono ettolok jen jiljino (6) ne.

Kōkajoor aer karreo, manman kij, im kōbellok an kōto deloñ diwōj

Aoleb būrokraam ko rej aikuj in:

- Karreo, manman kij, im jolok jorren ioon men ko ekut jibwe (waan joñak, kein jermal ko ilo jikin ikkure, kein tallōñ rej bed wōt, kein jibwe kejem, kein kōbellok bojet, kein idaaak (drinking fountain), waan kōmakūt armej) elōñ kōtaan ilo juon raan.
- Jab kōjerbal men ko (waanjoñak, kein ikkure ko rebidodo) rebin karreoik, manman kij ioon, ak jolok jorren.

- Kejbarok im jimwe ilo aṃ jolok jorren. Lolorjake ke ej kejbaroke im ejimwe am jolok jorren im lolorjake bwe ajiri reban jibwe product kein, ilo aṃ loore kōmelele ko ioon lebōl ko rikōmman eo ej kōjejjet.
- Lolorjake ke ejimwe an madmōd system in kōmakūt mejatoto im kwōn kōlablok an mejatoto in nabōj deloñ-diwoj ñan joñan am maroñ ilo aṃ kōbellok wūntō im kejem ko, kōjermal deel, im bar wewein ko.
 - Jab kōbellok wūntō im kejem ko ñe am kōmman eindein enaaj kauwōtata ñan kejbarok ak ejmour (waan joñak, aṃ kōtlok bwe pollen jen ut ko en deloñ im kōlablok kakōllein wōrlok) ñan rikaam ro me rej kōjermal jikin eo.

Ito-itak ilo Melan/Kōmakūt Armij

Field Tūrep ko rej kiki in boñ rejab melim ilo ien in.

Aoleb būrokraam ko rej aikuj in:

- Jab ito-itak ibben ro jet itulikin kumi eo aer ebin.
- Jei etan ro uaan kumi eo/ko (r)ebin im rijermal ro koba rikattōr eo, ibben raan im awa in aer ito-itak im nōmba/laijen eo an wa eo.
- Kōmelim bwe rikattōr ro remaroñ kōmakūti elōñ kumi ko rebin. Rikattōr ro rej aikuj ekōnak juon kein kalbubu iturin māj an jikin taktō, kein kalbubu iturin māj an kein bōbrae iturin māj im manman kij ioon beir mokta jen im elikin aer kattōr ñan kajojo kumi ebin.
 - Kwōaikuj karreo wa ko ikōtaan kajojo droulul in rijikuul im rijermal ro ilo am loore [melele in kajinet eo an kōmakūt armij ilo wa](#).
- Lolorjake ke jodikdik im rijermal ro rej jijet ilo wa ko bwe en wōr jilu (3) ne ikōtaan armij.

Kōmadmōd mōñā

Aoleb būrokraam ko rej aikuj in:

- Lolorjake kilen jibwe im kakwōn mōñā.
- Lolorjake aoleb jodikdik im rijermal ro ren kwal beir kin joob im dren mokta jen aer mōñā. Ilo iiet wōt melan ko, (einwōt kaam ko ilo ene ko likin) im reban kōjermal joob im dren kinke ejjelok aebōj ej toor, ebwe kōjermal kein manman kij ilo bā me ej kōmman jen (60-95%) arkool.
- Rōjañe jodikdik ro bwe ren bōk kijeer make mōñā, ñe remaroñ. Rej aikuj ba ñan jodikdik ro bwe ren jab mōñā ibben rikaam ro jet.
- Kamo mōñā ko rej mōñā ibben doon, mōñā ko rej make kanne bilej ko aer, im rijikuul im/ak rijermal ren jab ajej mōñā im mennin idaak ibben doon.
- Elañe rijermal ro an būrokraam eo rej kanne bilej ko im rijikuul ro rej leto-letak ibben rijermal ro ilo ien mōñā rej aikuj ekōnak kein kalbubu ak kein bōbrae iturin māj.
- Ilo ien mōñā ak mabuñ emōj kōjejjet, rijikuul ro remaroñ wutki kein kalbubu māj ko aer ñan mōñā ak idaak, bōtab rej aikuj kejbarok aer bed jiljino ne ettolok jen ro jet, im rej aikuj bar kōnake kein kalbubu māj ko aer elikin aer mōñā.

Bar jet men ko:

- Būrookraam ko rej kōmman ilo jikin an lobelej (einwōt baak ko) rej aikuj loor melele in kajinet ko rekkā ilōñ im jabdrewōt [melele in kajinet ko jet](#) ikijen jikin eo im būrookraam eo ej bed ie. Waan joñak, būrookraam ko ilo state baak ko rej aikuj loore kajinet ko ikijen kōjerbale state baak ko im bareinwōt kajinet ko kin Būrookraam in Jodikdik ko.
- Ñe elōñ jikin tutu ilo būrookraam ko rej aikuj loor [melele in kajinet an jikin tutu swimming pool ko](#).
- Lake ko: Jodikdik im rijerbal ro rej tutu ak aō ilo lake ko rej aikuj bed wōt 6-ne ettolok jen doon im loore aoleb rōjañ ikijen kwal bā im bar mennin rōjañ ikijen karreo. Mōko armij rej jānij aer nuknuk in tutu ie rej aikuj loor [melele in kajinet](#) eo an jikin rot eo ebaaktata (einwōt ruum in lakkar, im men ko jet).
- Būrookraam ko rej aikuj lelok katak ñan rijerbal ro aer mokta jen an lukkun jino būrookraam eo. Elañe rej lelok ekatak armij-ñan-armij ñan rijerbal ro, reaikuj loloorjake kōttolok kin enbwin. Ekatak in ej koba kōmmālmel kin melele ko, karreo/sanitation im kejbarok ikijen COVID-19.
- Ekkar ñan ORS 419B.005, juon “rijerbal in juon doulul an lobelej ak am armij wōt ej lelok jibañ ko ikijen lale ajiri ak makūtkūt” emōj likūt enaj juon eo aikuj ripoot. Iomwin COVID-19 tōrein idiñ eo, ripoot ko ikijen kokkure ajiri ekar diklok elablok jen 60%. Būrookraam ko reaikuj koba ekatak ñan kile im ripooti ñe rej lōmnak ke juon armij ej kokkure ak kōjool ajiri. Rijerbal ro remaroñ ripooti jabdrewōt ien im rej lōmnak juon armij ej kokkure ajiri ilo aer kūri 1-855-503-SAFE (7233). Kein katak ko jet kwōmaroñ loi ilo [Jikin Mōkaj in Katak](#) im [Ra in Jelālokjen eo an Oregon](#).
- Wewein jarin armij kakobaba ej kōlablok uwōta ñan armij ro im elōñ jejetin abañ ko kin ejmour ibbeir. Jarin armij kein rej bed iomwin uwōta elablok kin jemlokin renana kin COVID-19. Kimij kanooj in rōjañ jodikdik im rijerbal ro rej bed ilo uwōta eo elablok bwe ren jab itok ñan būrookraam ko an jodikdik.
 - Melelein uwōta-lab ej:
 - ♦ Armij ro 65 im rūttolok dettaer;
 - ♦ Armij ro ibben nañinmij in ār me ej bed wōt ak wōrlok ebwe ñan elab;
 - ♦ Armij ro im elōñ aer abañ kin bam ekauwōtata;
 - ♦ Armij ro emōjno an enbwinier bōbrae jen nañinmij kin aer kar mwijmwij in kolaak kobban enbwin
 - ♦ Armij ro me rekanooj in tebu (mass in enbwin laajrak (body mass index [BMI]) me ej 40 ak lablok);
 - ♦ Armij ro retōñal;
 - ♦ Armij ro im elōñ aer nañinmij in kitini me ej bed wōt im rej ebōk liklik;
 - ♦ Armij ro im elōñ aer nañinmij in aj; im
 - ♦ Jabdrewōt bar abañ ko me ej bed wōt imaanlok im emōj an OHA ak CDC kile.

Kein jibañ ko jet:

- [Kōjellā im bija ko kwōmaroñ kajutak](#)
- [Melele in Kajinet an Aoleben State eo kin Kein Kalbubu Māj einwōt an Jikin Taktō, Kein Kalbubu Iturin Māj, Kein Bōbrae Iturin Māj](#)
- [Melele in Kajinet an OHA ñan Aoleb Jikin Jerbal](#)
- [Melele in Kajinet an CDC ñan Rilelok ro an Baak im Imōn Ikkure ko](#)
- [ODE Jikuul ko Rebojak, Kejbarok Rikatak Melele in Kajinet ñan Jikuul ko](#)
- [Melele in Kajinet ñan ELD Lale Ajiri im Jelālokjen an Ajiri Jidik](#)

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wewein ko jet einwōt ukok ko, jeje kileb, ak jeje ko an ribilo. Kebaak Jikin Melele in Eymour eo ilo 1-971-673-2411, 711 TTY ak COVID19.LanguageAccess@dhsaha.state.or.us